

afa 11. XII 2024.



- web stranica fakulteta

POSLOVNIK O RADU

Komisije za pripremanje prijedloga za izbor u zvanje
docenta za naučnu oblast: „Uzgajanje šuma i urbanog
zelenila“

Sarajevo, decembar 2024. godine

Na osnovu člana 123. stav (8) Zakona o visokom obrazovanju („Službene novine Kantona Sarajevo“ broj 36/22) i člana 256. stav 1. Statuta Univerziteta u Sarajevu (broj: 01-14-35-1/23 od dana 26.07.2023. godine), a po osnovu Konkursa za izbor člana akademskog osoblja - Nastavnik u zvanje docenta za naučnu oblast: „Uzgajanje šuma i urbanog zelenila“ (puno radno vrijeme, na period od 5 godina), na Univerzitetu u Sarajevu - Šumarskom fakultetu raspisanog 15.11.2024. godine i Odluke Vijeća Fakulteta br. 01/6-5154/24 od 05.12.2024. godine o imenovanju Komisije za pripremanje prijedloga za izbor u zvanje docenta za naučnu oblast: „Uzgajanje šuma i urbanog zelenila“, na konstituirajućoj sjednici održanoj 10.12.2024. godine na Univerzitetu u Sarajevu – Šumarskom fakultetu donosi se:

POSLOVNIK O RADU

KOMISIJE ZA PRIPREMANJE PRIJEDLOGA ZA IZBOR U ZVANJE DOCENTA ZA NAUČNU OBLAST: „UZGAJANJE ŠUMA I URBANOG ZELENILA“

I - OPĆE ODREDBE

Član 1

(Predmet Poslovnika)

Ovim Poslovníkom se bliže uređuju nadležnosti, način rada kao i druga pitanja od značaja za rad Komisije za provođenje Konkursa za izbor člana akademskog osoblja:

- Nastavnik u zvanje docenta za naučnu oblast: „Uzgajanje šuma i urbanog zelenila“ - puno radno vrijeme, na period od 5 godina (u daljem tekstu: **Komisija**)

Član 2.

(Načela)

Rad Komisije se zasniva na načelima nezavisnosti, nepristrasnosti, javnosti i zakonitosti.

Član 3.

(Propisi)

Komisija provodi proceduru izbora člana akademskog osoblja u skladu sa Zakonom o visokom obrazovanju Kantona Sarajevo („Službene novine Kantona Sarajevo“ broj 36/22), Statutom Univerziteta u Sarajevu (broj: 01-14-35-1/23 od dana 26.07.2023. godine), Konkursom za člana akademskog osoblja na Univerzitetu u Sarajevu - Šumarskom fakultetu raspisanom 15.11.2024. godine i Odlukom Vijeća o imenovanju članova Komisije za pripremanje prijedloga za izbor u zvanje docenta za naučnu oblast: „Uzgajanje šuma i urbanog zelenila“ br. 01/6-5154/24 od 05.12.2024. godine.

II - NADLEŽNOSTI I NAČIN RADA KOMISIJE

Član 4.

(Uloga Sekretara Fakulteta)

- (1) Nakon usvajanja Odluke o imenovanju članova Komisije na III. Redovnoj sjednici Vijeća fakulteta, održanoj 05.12.2024. godine (Odluka broj: 01/6-5154/24), Sekretar Fakulteta članovima Komisije dostavlja Potvrdu o blagovremenosti pristiglih prijava na konkurs zajedno sa kompletnom konkursnom dokumentacijom.
- (2) Sekretar Fakulteta prisustvuje konstituirajućoj sjednici Komisije i otvaranju pristiglih prijava, te konstatira njihovu potpunost (urednost) u skladu sa konkursom, o čemu stručna služba izdaje odgovarajuću potvrdu koja čini sastavni dio izvještaja Komisije.

Član 5.

(Nadležnosti Komisije)

- (1) Komisija iz člana 1. ovog Poslovnika, obavezna je da po primitku pristiglih prijava i dokumentacije:
 - a) pregleda sve pristigle prijave i dostavljene dokaze,
 - b) utvrdi ispravnost pristiglih prijava i dostavljenih dokaza,
 - c) za kandidate za izbor u akademsko zvanje docenta koji nisu sudjelovali u realizaciji nastavnog procesa, a koji ispunjavaju sve uvjete za izbor, organizira pristupno predavanje iz nastavnog predmeta ili naučnog polja za koje je kandidat konkurirao.
- (2) Obavijesti o daljnjem procesu izbora kandidate i kandidatkinje putem web stranice, pismeno, usmeno, elektronski ili putem telefona.
- (3) Komisija iz člana 1. ovog Poslovnika, obavezna je izvještaj sa prijedlogom za izbor u zvanje dostaviti Vijeću Fakulteta putem protokola, u skladu sa Zakonom i Statutom, u roku od 30 dana od dana imenovanja Komisije.

Član 6.

(Mjesto zasjedanja Komisije)

Mjesto zasjedanja Komisije je u prostorijama Univerziteta u Sarajevu – Šumarskog fakulteta, na adresi Zagrebačka br. 20, 71000 Sarajevo.

Član 7.

(Način rada Komisije)

- (1) Komisija je u svom radu nezavisna.
- (2) Komisija zasjeda u punom sastavu prilikom provođenja konkursne procedure – otvaranje prijava, pregleda i razmatranja dokumentacije i održavanja pristupnog predavanja.

Član 8.
(Vođenje zapisnika)

- (1) O toku sjednice Komisije vodi se zapisnik.
- (2) Zapisnik sadrži datum, mjesto i vrijeme održavanja sjednice, osnovne podatke o toku sjednice, sažet opis diskusije po tačkama dnevnog reda, prijedloge i konstatacije, zaključke, te prijedloge odluka Komisije.

Član 9.
(Pristupno predavanje)

- (1) Za kandidate za izbor u akademsko zvanje docenta koji nisu sudjelovali u realizaciji nastavnog procesa, a koji ispunjavaju sve uvjete za izbor, Komisija organizira pristupno predavanje iz nastavnog predmeta ili naučnog polja za koje je kandidat konkurirao.
- (2) Pristupno predavanje održava se pred studentima Fakulteta i Komisijom iz člana 1. ovog Poslovnika i o tome se sačinjava izvještaj.
- (3) Pristupno predavanje održava se za studente one akademske godine na kojoj se izučava nastavni predmet ili naučno polje.
- (4) Ukoliko neki od članova Komisije iz člana 1. ovog Poslovnika komisije iz opravdanih razloga bude spriječen da prisustvuje pristupnom predavanju kandidata, pristupnom predavanju će prisustvovati imenovani zamjenski član u skladu sa odlukom Vijeća Fakulteta o imenovanju Komisije (broj: 01/6-5154/24 od 05.12.2024. godine).
- (5) Temu pristupnog predavanja odabire kandidat na osnovu liste prema nastavnom planu za oblast na koju se bira. Odluku o listi tema, vremenu i mjestu održavanja pristupnog predavanja donosi Komisija i javno oglašava na internet stranici Fakulteta.
- (6) Uspješnost pristupnog predavanja kandidata ocjenjuje Komisija iz člana 1. ovog Poslovnika uzimajući u obzir rezultate ocjene predavanja od studenata.
- (7) Studenti daju ocjenu o pristupnom predavanju kojem su prisustvovali na temelju vrednovanja sposobnosti kandidata da izloži materiju iz ugla razumljivosti i metodološke prilagođenosti slušaocima i tu ocjenu uvažava Komisija i sastavni je dio izvještaja koji se dostavlja vijeću Fakulteta.

IV - PRIJELAZNE I ZAVRŠNE ODREDBE

Član 10.
(Izmjene i dopune Poslovnika)

Izmjene i dopune ovog Poslovnika vrše se na način i u postupku propisanom za njegovo donošenje.

Član 11.
(Stupanje na snagu)

Ovaj Poslovnik stupa na snagu danom donošenja i objavit će se na web stranici Univerziteta u Sarajevu - Šumarskog fakulteta.

KOMISIJA

Predsjednik: Prof. dr. Dalibor Ballian

Član: Prof. dr. Ćemal Višnjić

Član: Prof. dr. ~~Sead~~ Ivojević

Broj: 01/1-5132/24-2
Sarajevo, 10.12. 2024. godine